



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de Beatitudine, de Actibus humanis, eorumque
Moralitate; de Virtutibus ac Donis, de Vitiis ac Peccatis, & de Legibus,
nec-non Dissertationem Theologicam de Probabilitate

Gonet, Jean-Baptiste

Parisiis, 1669

Disp. I. De lege in communi

[urn:nbn:de:hbz:466:1-77355](#)



DISPUTATIO PRIMA.

De Lege in communi.

Ad quæst. 90. D. Thomæ, & duas sequentes.



V M juxta Apostolum ad Rœ man. 6. peccati cognitio per legem habeatur, ipsumque peccatum legis transgressio sit, ad perfectiorem Tractatū de peccatis intelligentiam, tractationem de legibus subjungimus. Et quia recta doctrina methodus exigit, ut ab universalibus ad particulares descendamus, primò agemus de lege in communi, deinde varias ejus species exponemus.

ARTICULUS PRIMVS.

Vtrum lex essentialiter pertineat ad intellectum, vel ad voluntatem?

S. I.

Quibusdam premisis referuntur sententiae.

1. **N**otandum primò, hoc nomen *lex* dici, vel à legendō, cō quōd homo in ipsa legit quod illi agendum vel omittendum est, aut quia leges olim scripto tradebantur, ut ab omnibus legerentur, ut Isidorus ait lib. 2. Etymol. cap. 10. Vel ab eligendo, ut Cicero lib. 1. de legibus censem, quia ipsa lex est regula eligendorum. Vel juxta D. Thomam hīc art. 1. Cassiodorum, & Damasceni commentatorem, lib. 4. fidei cap. 23. à ligando, quia per eam ligantur subditii ad ipsius observantiam, ut ait S. Doctor. Vel ut loquitur Cassiodorus apud prædictum Damasceni commentatorem, cō quōd animos nostros liget, suis que teneat obnoxios constitutis. Et hæc etymologia fundatum habet in Scriptura, in qua leges Iepiis ab hoc effectu ligandi, vincula appellantur: Psal. 2. *Dirumpamus vincula eorum. Jeremiah. 2. A seculo confregisti iugum meum, rupisti vincula mea, & dixisti: Non serviam.*

2. Notandum secundò ex Sylvestro, verbo Lex num. 1. hæc nomina lex, jus, statutum, aut constitutio, idem significare. Dicitur enim jus, quatenus ostendit unicuique tribuendum esse quod suum est. Dicitur statutum, quia stabile & firmum debet esse ad omnes. Dicitur constitutio, quatenus plurimum consilium & consensus debet procedere & concurrere ad stabilendam legem. Denique dicitur lex, quatenus per eam ligantur subditii ad ipsius observantiam.

3. Notandum tertio, nonnulla esse, quæ nonnisi impropriæ leges appellantur, cujusmodi est naturalis inclinatio & impulsio appetitus sensitivi ad malum, quæ ad Roman. 7. vocatur lex peccati; & naturalis aquarum necessitas à Deo imposita ne transirent fines suos, Proverb. 8. *Quando appendebat fundamenta terra, & legem ponebat aquis, ne transirent fines suos;* id est quando ponebat causas, quibus intra certos terminos aqua conti-

A nerentur. Demum lex accipitur lato modo pro norma seu regula quarumcumque actionum tam intellectus quam voluntatis, ut cū dicimus leges Dialeticæ & Grammaticæ. De lege sic latè & impropriè accepta, non agimus in præsenti, sed illam in propria & stricta acceptione, prout est regula & mensura actuum humanorum, consideramus.

Demum existentiam seu necessitatem legum, ut certam & manifestam supponimus; eam enim insinuat ipsa natura creature intellectualis, quæ cū non possit esse sibi regula moralium operationum, necessariò eger aliquo superiore, à quo certa lege & norma in suis operationibus dirigatur, ne à fine ad quem creata est aberret. Cū enim ipsa natura defectibilis sit, & à fine honestatis ad quem inclinat, deflectere possit, necessaria ei est aliqua lex, quæ illam per certam normam ad suum finem dirigat. Quæ ratio non solum demonstrat necessitatem legis naturalis ad finem naturalem consequendum, sed multò magis necessitatem legis supernaturalis ad finem supernaturalem obtinendum; nam cū hic sit altior, & humanae menti naturaliter ignotus, homo non potest ad illum pertingere, nisi & altiori lege dirigatur, & auxiliis supernaturalibus adjuvetur. Eadem ratio probat, in omni statu legem necessariam fuisse creature intellectuali, cū in omni statu maneat subjecta Deo, & dirigibilis in ordine ad aliquos saltem actus, quibus finem suum naturale vel supernaturale consequatur.

Potest etiam legū necessitas ac utilitas ipsa experientia comprobari, cū constet nullam Rempublicam absque legibus stare posse; alioquin adulteria, furia, homicidia, & qualibet alia scelerata, quæ statim Rempublicam funditus evertunt, impunita grassarentur, juxta illud vulgatum Augustini: *Remota justitia (qua per leges potissimum statuitur) quid sunt regna, nisi magna latrocinia? Cum etiam consonat illud Isidori lib. 5. Etymologiarum vel Originum cap. 20. Facte sunt leges, ut humano metu humana coercatur audacia, tantaque sit inter improbus innocentia, & in ipsis improbis formidatio supplicio refranetur nocendi facultas.* Quare merito ait Aristoteles 3. Rheticorum, Reipublicæ salutem in legibus constitutam esse.

Huc revocari possunt quædam legis encomia, quibus ejus necessitas & utilitas optimè declaratur. Nam lege 1. ff. de legibus sic dicitur: *Lex est commune preceptum, virorum prudentium consultum, delictorum corollatio, communis Respubliea sponso.* Dicitur etiam lex mens & consilium æquitatis, virtutum adhortatrix, vitiorum expultrix, justitiae lumen ac columen, mentis lucerna, & regula actionum humanarum. Demum ut ait Augustinus lib. de spiritu & littera: *Lex data est, ut gratia acquireretur; gratia data est, ut lex adimpleretur.*

S. His suppositis, quantum ad nōmen, & necessitatem, atque existentiam legis, ut ipsius quididatē & essentiam declaremus, inquirimus, an lex essentialiter ad intellectum vel ad voluntatem pertineat, & cuius ex illis potentiis actus existat? In cuius difficultatis resolutione tres reperio Theologorum sententias, Alij enim censent, legem ad voluntatem pertinere, alij ad intellectum, alij ad utramque potentiam. Primum docent Alphonsus à Castro lib. 1. de lege penal cap. 1. Joannes Medina Codice de Oratione q̄uest. 2. & Suarez lib. 1. de legibus cap. 5. num. 24. ubi legem in Principe existentem ait esse actum ipsius voluntatis justæ & rectæ, qui vult inferiorem obligare ad hoc vel illud faciendum. Secundum afferunt à D. Thoma h̄c art. 1. & ab omnibus ejus Discipulis, quos sequuntur Vazquez, Valentia, Azorius, & alij. Tertiam denique sententiam, in utroque actu intellectū & voluntatis essentiam legis constitutem, tenuerunt Gerson Alphabeto 2. de potestate Ecclesiæ, considerat. 13. quæ est de origine juris & legum, Gregorius Ariminensis in 1. dist. ultimā q̄uest. unicā, & Beccanus in Tractatu de legibus cap. 1.

§. II.

Sententia D. Thome prefertur.

Dico igitur, lex, quantum ad suam substantiam, consistit in actu intellectū, sed præsuppositivè, & de connotato, importat actum voluntatis.

6. Prima pars est D. Thomæ h̄c art. 1. ubi illam probat primò, in argomento *sed contra*, ex eo quod ad legem pertinet præcipere & imperare. Sed hoc essentialiter pertinet ad intellectum, ut ostenderat suprà q̄est. 17. art. 1. ubi sic ait: *Imperare est essentialiter actus rationis, imperans enim ordinat eum cui imperat ad aliud agendum, intimando, vel denunciando: Sic autem ordinare per modum cuiusdam intimationis est rationis.*

Dip. ii. art. 3. Deinde in corpore articuli sic discutit: Lex nihil est aliud, quam regula quædam & mensura humanorum actuum, secundum quam inducitur quis ad agendum, vel ab agendo retrahitur: Sed regulare & mensurare actus humanos, ad rationem pertinet: Ergo lex quantum ad suam substantiam est aliud rationis. Minor patet, Majorem verò sic ostendit. In unoquoque genere id quod est principium, est mensura & regula illius generis; nam unitas quæ est principium numeri, est mensura omnium numerorum; & motus primi cœli, qui est primus in genere motuum, est mensura omnium motuum corporum inferiorum: Sed ratio est primum principium actuum humanorum: Ergo regulare & mensurare actus humanos, ad rationem pertinet.

7. Potest insuper suaderi conclusio hac ratione: Essentialiter est legi obligare subditum sibi ad agendum vel omitendum aliiquid; unde, ut suprà ex D. Thoma, & Cassiodoro dicebamus, lex à ligando dicitur: Sed sola voluntas superioris non obligat subditum, quantumcumque cognoscat illum, donec ipsi intimetur: Ergo ratio legis non in actu voluntatis, sed in præcepto aut intimatione intellectū consistit. Major constat, Minor etiam est certa, et si enim aliquis sciat voluntatem Principis sui esse ut faciat aliiquid, non tenetur facere, quoisque sibi intimetur. Item Relig.

A giosus non tenetur facere voluntatē sui superioris ante intimationem. Contra verò, si aliquid præcipiat superior, etiam si non habeat voluntatem ut ponatur in executione, tenetur subditus exequi; sicut Abraham, instante præcepto Dei, tenebatur filium Isaac sacrificare, licet Deus non haberet voluntatem efficacem, ut sacrificaretur.

His addi possunt plura Scripturæ loca, quibus lex nomine lucis significatur: Psalm. 4. *Signatum est super nos lumen vultus tui. Psalm. 18. Preceptum Domini lucidum illuminans oculos: Proverb. 6. Mandatum lucerna est, & lex lux. Item Chaldaicè lex dicitur *Vrajeta*, à verbo *Vr*, quod est illuminare, quasi ejus munus sit lucere, splendescere, & illuminare: Sed lumen ac illuminatio ad intellectum pertinent, cum illuminatio in spiritualibus, nihil aliud sit, quam veritatis manifestatio, iuxta illud ad Ephel. 5. *Omne quod manifestatur lumen est: Ergo lex, quantum ad suam substantiam ad intellectum pertinet. Unde Augustinus lib. 1. de libero arbit. cap. 6. legem definit, rationem summam, cui semper obtemperandum est. Et Cicero lib. 1. de legibus, legem naturalem sic describit: Lex (inquit) est ratio summa insita in natura, qua iubet ea que facienda sunt, prohibetque contraria.**

Quod vero lex præsuppositivè & de connotato importet actum voluntatis, ut secunda pars conclusionis afferit, manifestum est: Tum quia proprium est legis movere subditos ad aliquid agendum: Solus autem intellectus ab aliis voluntate non potest movere. Tum etiam, quia lex non pertinet ad intellectum speculativum, sed ad practicū, & consistit, ut ostendemus articulo sequenti, in actu imperij: Sed actus imperij, licet elicitive, & quantum ad substantiam, sit ab intellectu, supponit tamen & connotat actu voluntatis, a quo efficaciam & vim movendi participat, ut docet D. Thomas suprà qu. 17. art. 1. Ergo licet lex quantum ad suam substantiam ad intellectum pertineat, præsupponit tamen actu voluntatis, illunque de connotato importat. Unde si nihil aliud velint Gregorius, & Beccanus, aliique Autores, qui legem ad intellectum & voluntatem pertinere existimant, à veritate non aberrant; si verò intendant, legem substantialiter & ex æquo ad voluntatem & intellectum spectare, falluntur afferunt, cum repugnet unum simplicem actum esse elicitive & quoad substantiam à duabus potentiis,

§. III.

Solvuntur objectiones.

Objiciunt in primis Adversarii aliqua Scriptura testimonia, in quibus lex Dei appellatur voluntas Dei: Psalm. 39. *In capite libri scriptum est de me, ut facarem voluntatem tuam, Deus meus volui, & legem tuam in medio cordis mei. Psalm. 102. Notas fecit via sua Moysi, sibi Israël voluntates suas, id est leges & præcepta sua. Et 2. Machab. 1. *Det vobis cor omnibus ut colatis eum, & faciatis ejus voluntatem, id est legem ejus servetis.**

Leges quoque civiles dicuntur esse placita Principium, Institut, de jure naturali, genti & civili §. Constat, ibidemque §. Sed & quod dicitur: *Quod Principi placuit, legis habet vigorem. Et Augustinus lib. 4. de civit. Dei cap. 6. Arbitria (inquit) Principium pro legibus erant. Demum Aristoteles in Rhetorica ad Alexandrum, cap. 1.*

S. II. iij

DISPUTATIO PRIMA.

2. affirmat legem esse communem civitatis consensum. Et Cicero lib. 1. de legibus docet legem ab electione dictam esse. Ergo lex non pertinet ad rationem, sed ad voluntatem.
10. Verum ad hanc facili responderetur cum Magistro Soto lib. 1. de justitia quæst. 1. art. 1. illa testimonia non convincere legem esse actum voluntatis elicitivè, & quantum ad substantiam, sed solum illum presupponere, & connotare; subindeque illa probare quidem secundam partem nostræ conclusionis, sed non impugnare primam. Lex ergo Dei in Scriptura Sacra, voluntas ejus appellatur, vel quia voluntatem Dei supponit, vel quia est signum illius, nam inter signa voluntatis divinae, quæ recentur D. Thomas 1. part. quæst. 19. art. 12. unum est lex seu præceptum. Interdum vero leges divinae in Scriptura Dei iudicia appellantur Psalm. 147. Non fecit taliter omni nationi, & iudicia sua non manifestavit eis, quia consistunt formaliter in actu intellectus intimante & denuntiante Dei voluntatem. Idem dicendum ad alia testimonia, lex enim electio, vel arbitrium Principis appellatur, quia arbitrium & electionem Principis sequitur, cum scilicet præcipitur quod Princeps elegit & decrevit.
11. Objiciunt secundum: Munus legis est movere subditos ad recte operandum, seu ad eliciendam operationem ipsi conformem: Sed movere ad exercitium operationis in ordine ad aliquem finem, spectat ad voluntatem, ut docet D. Thomas supra quæst. 9. art. 1. idque convincit ipsius ratio, nempe quia objectum voluntatis est finis, qui est primum principium in agendis: Ergo lex ad voluntatem pertinet.
12. Respondeo, munus legis esse movere subditos ad recte operandum, non quomodocunque, sed intimando, & loquendo, quod est proprium intellectus, non autem voluntatis, cui solum convenit movere per modum impellentis, & quantum ad exercitium ait.
13. Objiciunt tertio: Ferre legem est actus iustitiae legalis, cum lex ordineretur ad bonum commune, quod a iustitia legali respicitur: Sed iustitia legalis est virtus in voluntate residens: Ergo lex pertinet ad voluntatem.
14. Respondeo negando Majorem, nam condere legem non est actus iustitiae legalis, sed prudentia politica aut regalis; unde divina Sapientia Prover. 8. ita de se loquitur: Per me Reges regnant, & legum conditores iusta decernunt. Prudentia tamen politica vel regalis, quæ leges habet condere, actum iustitiae legalis bonum communem intendenter presupponit. Unde lex essentialiter & formaliter ad intellectum pertinet, licet connotet ordinem ad voluntatem, ejusque actum presupponat, ut in secunda parte conclusionis declaravimus.
15. Objiciunt quartò: Lex nihil aliud est, quam regula quadam & mensura humanorum actuum, ut supra dicebamus: Sed regulare humanos actus, pertinet ad voluntatem, ut docet D. Thomas 2. 2. quæst. 10, ubi assertur voluntatem divinam esse primam regulam, quæ actiones humanæ regulari debent, voluntatem vero Prælatorum esse secundam regulam participatam à prima: Ergo lex pertinet ad voluntatem.
16. Respondeo quod voluntas divina est prima regula humanorum actuum, ut dirigitur à ratione divina, & non alias, ac proinde ratio primæ regulæ humanorum actuum competit per se primæ rationi divinæ, & participativè rationi creatæ;

A unde etiam voluntas Prælatorum non dicitur secunda regula actuum humanorum, participata à prima, nisi prout dirigitur à ratione creata; & sic intelligendus est D. Thomas loco citato, cùm docet voluntatem divinam esse primam regulam actuum humanorum, & voluntatem Prælatorum secundam regulam, participatam à prima.

Objiciunt quintò Authores tertia sententia, existimantes legem ad intellectum & voluntatem ex aequo pertinere, D. Augustinum, qui lib. 22. contra Faustum, cap. 27. legem æternam definiens ait, esse aut rationem, aut voluntatem divinam.

B Verum hoc frivolum est, nam S. Doctor dicens, legem æternam esse intellectum aut voluntatem Dei, non intendit illam ex aequo pertinere ad utramque potentiam, sed ad unam vel aliam, disjunctivè, volens consulto ab his opinionibus abstinere, quia nihil ad suum propositum conducebat. Loco vero supra citato libri primi de libero arbitrio, determinans ex professo hanc questionem, quam in libris contra Faustum indecans reliquerat, legem definit, rationem summam, cui semper obtemperandum est, subindeque eam ad solum intellectum quod substantiam pertinere, manifestè declarat.

§. IV.

Corollarium notatum dignum.

E X diuis colligitur contra Lorcam, & quodam alios Recentiores, legem non consitente essentialiter in actu iudicij practici intellectus, sed in actu imperij, seu potius in aliquo per ipsum constituto.

D Pro intelligentia hujus corollarij breviter explicandus est ordo actuum intellectus & voluntatis, qui ad legis constitutionem intervenit. Unde sciendum est, quod legislator cognoscens bonum commune, quod maximè in pace & tranquillitate Reipublicæ consilit, intendit hoc bonum, & ex ejus intentione statim sequitur consultatio de mediis quibus illud assequatur, quæ consultatio est actus intellectus practici, qui dicitur ebulia, ut docet S. Thomas 2. 2. quæst. 1. art. 1. & 2. Deinde sequitur iudicium intellectus practici, quod est terminus consilij, & nihil est aliud quam sententia intellectus approbantis hoc medium præ illo, pro quo actu dirigendo ponitur alia virtus in intellectu, adjuncta prudentia, quæ dicitur synesis, ut tradit idem S. Doctor ibidem art. 3. Postea sequitur electio voluntatis, quæ elegit medium quod judicatur convenientius in ordine ad affectionem finis, pro qua elicienda ponuntur virtutes morales in voluntate, & in appetitu sensitivo. Denique sequitur alius actus intellectus, qui dicitur imperium practicum, quo per modum ordinationis & intimationis intellectus, Princeps efficaciter præcipit subditis id quod convenientius judicavit & elegit ad bonum Reipublicæ consequendum: pro quo actu ponitur prudentia, ut constat ex D. Thoma 2. 2. quæst. 47. præcipue art. 8. Dicimus ergo legem non consistere in actu illo iudicij practici intellectus, qui antecedit electionem. Ratio est, quia ut supra dicebamus ad legem pertinet præcipere: Sed iudicium de aliquo faciendo salvator sine præcepto: Ergo lex non pertinet essentialiter ad actu iudicij qui antecedit electionem, sed ad actu imperij qui electionem subsequitur.

DE LEGE IN COMMUNI.

51

Confirmatur: De ratione legis est obligare subditum ad aliquid agendum, ut patet ex supra dictis: Sed in judicio intellectus practici non includitur haec obligatio, nam optimè stat Principem judicare esse convenientis ut subditus aliquid operetur, taleque judicium innotescere subdito, & tamen ex vi illius non obligari, dum non accedit intimatio quā ei præcipitur ut illud operetur: Ergo lex non constitit essentialiter in actu judicij practici, antecedente electionem, sed in actu imperij ad illam subsecuto, quo Princeps ordinat subditum ad aliquid agendum, intimando, vel denuntiando.

20. Dixi autem, vel potius in aliquo per ipsum constituto, quia licet lex constitutio per ipsum auctum imperij, in eo tamen non constitit formaliter, sed in aliquo ab impetu formaliter distinto, & ab ipso originato, nimirum in quadam dictamine aut verbo practico ipsius actus imperij, ut docet Conradus h̄c art. 1. dicens: *Lex est aliquid rationis sicut dictamen ejus, ab ipsa & in ipsa existens subjective tantum terminus actus intelligendi practici, scilicet imperij.* Et infra circa solutionem secundi: *Lex (inquit) pertinet ad actum rationis practica, tanquam ejus dictamen & verbum practicum.*

21. Id etiam colligitur ex D. Thoma h̄c art. 1. ad 2. ubi ait quod sicut in operationibus externis est distinguere operationem & operatum per ipsum, sicut adificatum ab edificatione distinguitur; ita in auctib⁹ intellectus tam practici quam speculativi distinguuntur actio & terminus productus per illam, ut in intellectu speculativi terminus prima operationis est definitio, secunda vero est enuntiatio, & tertia argumentatio: in practico autem sunt propositiones & dictamina practica, quæ fiunt per actiones practicas intellectuales, de quorum numero est lex, qua est quoddam constitutum per actum rationis, nimirum quoddam dictamen practicum, seu verbum dictatum per actum imperij.

22. Ratio etiam id suadet: Lex enim habet se ad intellectum & ejus auctum, sicut idea se habet ad intellectum artificis & artem, utraque enim est mensura, regula, & exemplar; illa quidem mortuum, ista vero rerum per artem faciendarum: Sed idea est terminus medi⁹ arte in intellectu producetus: Ergo & lex erit terminus medio imperio producetus, & verbum practicum illius.

23. Confirmatur: Lex est in intellectu Principis non tantum subjectivè, sed etiam objectivè, tanquam cognitionis in cognoscente, Princeps enim dum legem profert, ad eam attendit, & ipsam cognoscit: Ergo non est auctus intellectus practici, sed potius ipsum verbum practicum, & terminus conceptionis practicae, & imperij, quo Princeps subditos ordinat ad aliquid faciendum.

ARTICVLVS II.

Vtrum de ratione legis sit, quod ad commune bonum ordinetur, quod sit perpetua, & quod pro communitate feratur?

§. I.

Triplici conclusione hac triplex difficultas resolvitur.

24. **D**ico primò: De ratione legis est, quod sit propter bonum commune, Ita docuit Pla-

Ato lib. 1. de legibus, ubi ait, *leges condendas esse publica pacis gratia.* & Cicero, qui similiter lib. 1. de legibus dicit *constituendas esse leges publicae salutis causā.* Idem docet Isidorus lib. 5. Etymologicarum, ubi ait quod *lex est nullo privato commode, sed pro communi utilitate civium conscripta.* juxta illud duodecim Tabularum, *Salus populi, suprema lex esto.* Item S. Basilius homil. 12. in principium Proverbiorum, non longe ab initio, dixit leges debent esse ad consequendam in communi bono utilitatem, & non ad privata comoda respicientes. Ibidemque addit, in hoc tyrannum à Rege differre, quod ille sua ipsius quomodocumque & undecunque respicit, ac

Btuerit; hic subditis consulere tanum querit. Et Aristoteles 8. Ethic. cap. 10. initio: *Tyrannus (inquit) suam, Rex subditorum utilitatem p̄petrat.* Denum omnes Theologi & Juristæ in eo convenient, de ratione & substantia legis esse, ut pro bono communi feratur. Unde lex naturalis tendit de se ad bonum commune totius naturæ humanae; leges divinae positiva, tendunt omnes ad Dei gloriam, & communem hominum utilitatem, juxta illud Isaie 51. *Lex a me exiet, & iudicium meum in lucem populorum requiesceret.* Leges quoque humanae, tam civiles, quam Ecclesiasticæ, referuntur re ipsa & omnino referti debent ad bonum commune, & ad illud esse utiles; **C**lioquin feruntur invalidæ, & verè leges non sunt; nam potestas ferendi leges non est data hominibus, sive à Deo, sive à Republica, nisi propter bonum commune.

Eandem veritatem demonstrat S. Thomas h̄c art. 2. dupli ratione. Prima sic breviter ac perspicuè à Contrado proponitur: Lex est in intellectu practico circa illa quæ sunt ad finem: Ergo debet reduci & regulari per prima principia intellectus practici: Sed primum principium in practici est ultimus finis & beatitudine: Ergo lex omnis regulari debet & reduci ad ultimum finem seu beatitudinem, quæ est commune bonum; Unde lex naturalis ordinatur ad beatitudinem naturalē, quæ est bonum commune sibi proportionatum; lex vero supernaturalis, ad beatitudinem supernaturalem; civilis autem ordinat cives in beatitudinem politicam civitatis aut regni, quæ est bonum sibi proportionatum, maximèque in tranquillitate & pace Reipublicæ consistit.

Dices contra hanc rationem: Lex essentialiter pertinet ad intellectum, ut articulo præcedenti ostendimus: Ergo non respicit bonum commune ut ultimum finem. Consequens videtur manifesta, ultimus enim finis non respicit nisi à voluntate, cum sit ejus objectum.

Respondeo, concessō Antecedente, distinguendo Consequens: Non respicit ultimum finem, sub ratione boni, concedo, sic enim pertinet ad voluntatem. Sub ratione veri, dirigendo scilicet & imperando in ordine ad illud, nego consequentiam, hoc enim proprium est intellectus.

Secunda ratio D. Thoma est: Lex ordinat hominem ad debitum finem illius: Sed debitus finis hominis est felicitas seu bonum commune: Ergo lex essentialiter respicit bonum commune. Major constat ex ratione præcedenti, Minor sic probatur à D. Thoma. Quælibet pars ex natura sua ordinatur ad totum, sicut imperfectum ad perfectum: Sed homo est pars totius communis perfectæ: Ergo per se ordinatur ad totam communiam: At hæc tota communitas per se os-

DISPUTATIO PRIMA

dinatur ad suam felicitatem & communem bonum, cum respiciat illud ut propriam perfectionem sibi proportionatam, & finem sibi proprium: Ergo de primo ad ultimum, homo ordinatur ad bonum commune, illudque ex propria natura respicit.

28. Denum suaderi potest conclusio hoc discursu: Potest legislativa, qua est in Principe, respicit essentialiter bonum communem: Ergo & lex. Consequentia patet, nam actus ejuscumque potentiae non potest exire a ratione formalis potentiae ejus est actus. Antecedens probatur: Omnis potestas condendi leges, qua est in Principibus, vel est a Deo, vel a populo: Si a Deo, constat omnem conferri propter bonum commune, cum Deus tale bonum praecipue intendat. Si a populo, idem patet, nam sicut illam conferunt omnes, ita eo fine & animo conferunt, ut ad publicum ipsorum bonum exerceatur, non vero ut ad privatum ipsius Principis commodum referatur. Unde in Concilio Toletano 8. cap. 10. praecipitur, ut qui eligetur in Regem, iure non propiscere proprii iura commodi, sed providere patria, gentique sua.

Confirmatur: Inter causam efficientem seu motivem, & finalitem, debet esse proprio: Atqui leges non condunt nisi ab iis qui prae sum multitudini, quique sunt superiores quolibet particulari homine, in ea multitudine contento: Ergo in bonum commune totius multitudinis diriguntur.

Dico secundum, de ratione legis est, esse stabilem & permanentem, ac durare & obligare quoadusque revocetur, subindeque esse aliquo modo permanentem.

29. Colligitur ex cap. ultimo *de officio legati*, ubi dicitur statutum legati habere vim legis & perpetuam durare. Unde Doctores communiter hoc dictamen ponunt inter praecepsa ab homine datum, per modum praecippi personalis, & latum per modum legis seu constitutionis, quod purum praecipuum expirat per mortem praecipientis I. *Mandatum*, Cod. *Mandati*, non vero lex, seu statutum, quia lex non moritur, ut notant Abbas & alij in caput *Irragabili*, §. *Ceterum*, de officio Ordinarij.

30. Pater etiam haec veritas inductione, nam lex eterna, cum in mente divina existat, perpetua est & immutabilis. Similiter lex naturalis, quae participatio est eterna, perpetuo durat. Lex etiam divina, tam vetus, perpetua fuit, constanter omnes obligando usque ad adventum Christi; quam nova, quae duratura est usque in finem mundi: Ergo etiam leges humanae, quae imitari debent, quoad fieri potest, naturalem & eternam, ex quibus deducuntur, debent esse permanentes & stabiles, ut sint convenientes humanae gubernationi communis, quae postular stabilitatem & uniformitatem. Unde leges dicuntur esse quasi fundamenta Republicae, quibus nixa haeret, & veluti vincula & funiculi, quibus constricta, firma, ac fixa in capite bono perseverat. Hinc Cicero orat, pro Cluentio, leges, nervos ac sanguinem Republica appellat, atque quod sicut corpora nostra sine sanguine & nervis subsistere nequeant, ita nec Respublica sine legibus.

31. Porro triplici respectu lex perpetua dicitur: Primo respectu ferentis, quia durat, illo licet amoto, vel mortuo; non enim expirat lex per mortem eius a quo fuit lata, ut dicitur cap. ultimo *de officio legati*, supra citato; alioquin magna fieret in Republica legum humanarum mu-

A tatio, non sine magno ipsius detimento. Secundo respectu eorum quibus imponitur lex, quia non solum presentes obligat, sed etiam quotquot erunt impostum partes illius communis. Tertio, respectu ipsius legis, quia talis est, ex intentione & modo quo fertur, ut semel lata, semper duret, donec vel abrogetur, vel ejus materia ita mutetur, ut justa esse desinat.

Dico tertio, lex debet ferri pro tota communitate.

Pater haec conclusio, nam in hoc differt lex a praecerto, quod praecptum uni, lex omnibus imponitur, quatenus illud ad privatam directionem partis, hec ad publicam gubernationem Republicae ordinatur. Unde l. i. ff. *de legibus*, sic dicitur: *Lex est commune praecipuum. Et I. Iura, eodem titulo: Iura non in singulas personas, sed generaliter constituantur. Et I. Leges sacrissime. C. eodem titulo: Leges sacrissime, quae constringunt hominum vias, ab omnibus intelligi debent, ut universi, praecerto earum manifestius cognito, vel inhibiti declinetur, vel permitta secedentur.*

Ratio etiam suffragatur, Tum quia lex est principialis actus prudentiae politicae, vel regalis, quae per se primò respicit bonum totius Republicae, vel communis. Tum etiam, quia lex debet esse perpetua, ut conclusione praecedenti declaravimus: At nulla persona est perpetua pro statu praesenti, pro quo maxime leges necessariae sunt: Ergo lex non imponitur uni privata personae, sed communis, quae perpetua est, quatenus durat per continuam successionem.

Hanc doctrinam confirmat universalis legum inductio: nam lex eterna ad omnes creaturem legis capaces se extendit; lex naturalis, quae eterna legis participatio quaedam est, omnes ligat; lex positiva divina, tam vetus, quam nova, pro capacitate personarum, earumque exigentia, ad omnes lata est: Ergo eadem ratio est de quavis alia lege.

§. II.

Solvuntur objectiones.

D **O**bijices primò contra primam conclusionem: Multe sunt leges, quae privatum bonum respiciunt, ut lex naturalis de tuenda propria vita, lex elemosynæ, lex correctionis fraternalis, lex confessionis sacramentalis, quæ salutem supernaturem pœnitentis respicit, & idem est de legibus aliorum Sacramentorum. Denim privilegium veram habet rationem legis, dicitur enim privata lex in cap. *Privilegium* dist. 3. & tamen respicit bonum particulare alicuius personæ, illius scilicet in cuius favorem conceditur: Ergo est de ratione legis ad bonum communem ordinari.

Respondeo, concessio Antecedente, negando. Consequentiam, nam aliud est loqui de materia proxima circa quam versatur lex, aliud de motivo formaliter propter quod versatur circa talen materialem; cum enim lex sit regula humanorum actuum, sicut in actibus humanis illa duo distinguimus, ita in lego ea distinguere debemus. Lex ergo naturalis de tuenda propria vita, respicit bonum privatum personæ particularis, ut materiam proximam circa quam versatur, habet tamen bonum commune pro motivo, quod per se primò respicit; cum enim quilibet homo sit pars naturæ humanae, & pars per se ordinetur ad totum, sicut imperfectum ad perfectum, sit quod bonum cuiuslibet hominis in particulari per se ordinetur ad bonum

bonum totius naturæ humanae; unde author & conservator totius naturæ, cuius interest respicere tale bonum, recte præcipit, ut quilibet conservet propriam vitam, ut conservetur bonum totius nature, quod non nisi in individuis potest subsistere. Idem cum proportione dicendum de aliis preceptis in objectione recensitis, nam licet præceptum eleemosynæ, & correctionis fraternæ, respiciant bonum privatum particularis personæ, ut materiam proximam, tamen id totum ordinant in bonum commune, ad quod pertinet ut pauperes aliantur, ne pelest aut furtu graffentur in Republica, & quod via emendentur, que sunt contra bonum commune naturæ rationalis. Similiter licet leges sacramentorum, & alia supernaturales, ad bonum particulare ordinantur, ut ad materiam proximam, hoc tamen totum est in ordine ad bonum commune, quod per se primò respiciunt; ordinantur enim ad cultum Dei ultimi finis, & ad perducendos homines, qui illis legibus utuntur, ad Deum ultimum finem supernaturalem, qui est bonum commune totius naturæ humanae, ut ad illum elevatae, non quidem communitate generis aut speciei, sed communitate finis in quo omnes homines communicant, ut ait D. Thomas h[ic] art. 2. ad 2.

37. Ad id quod subditur de privilegio, respondent aliqui, privilegium non habere rationem legis propriæ dictæ, sicut nec præceptum, vel sententia Judicis. Sed quidquid fit de hoc, de quo infra, hoc dato, consequentia neganda est. Licet enīta privilegium respiciat bonum privatum aliquius personæ, ut materiam proximam, hoc tamen cedit in bonum commune, quod aliqui sint privilegiati, propter strenuæ facta in obsequiū Reipublicæ, ut alij accendantur ad promovendum bonum commune, per opera studiosa & ardua.

38. Objicies secundò: Leges positivæ exigentes tributa, verae leges sunt, & tamen non respiciunt bonum commune, immo multoties illud videntur destruere, sed privatam Regis communitatem: Ergo non est de ratione legis, quod bonum commune respiciat.

39. Respondeo, leges tributorum respicere privatam Regis communitatem, ut materiam proximam, sed hanc ordinare ad Reipublicæ felicitatem, ut nimur Rex per vestigia thesaurum acquirat, quo Reipublica in bello defendatur, & in pace conservetur.

40. Objicies tertio contra secundam conclusionem: Lex vetus duravit solùm usque ad adventum Christi, & multæ sunt leges humanae, que successu temporis mutantur: Ergo non est de ratione legis quod sit perpetua: præfertim si sermo sit de legibus humanis, quia homines legem ferentes, cum sint mortales, non possunt obligare in perpetuum.

41. Respondeo, legem veterem fuisse perpetuam pro eo statu pro quo lata fuit, nam quandiu per Evangelicam, ad quam ut ad perfectiorem disponebat, revocata non fuit, semper obligabar. Quod ut melius percipiatur, Notandum est, quod perpetuitas quæ legi adscribitur, non est positiva, scilicet quæ semel lata, nunquam mutari possit, sed negative, ut quandiu consuetudine, vel consensus & voluntate Princis non revocatur, semper obligandi vim obtineat; hac enim perpetuitas sufficit ad distinguendam legem à præcepto, quod non modò negativè, sed etiam positivè tempore est, durans tantum ad vitam præc-

re. A pientis, nisi expresse confirmetur ab habente potestatem: Ex quo pater, quod leges etiam humanae ex natura sua sunt perpetuae, tametsi successu temporis voluntate Princis revocari possint.

Nec obstat quod homines legem ferentes sint mortales, nam leges Ecclesiasticae feruntur auctoritate Christi, qui non moritur, & hanc potestatem contulit Ecclesiae: Civiles vero feruntur auctoritate Reipublicæ, quæ similiter non moritur; nam illa ius suum transtulit in eos quos constituit gubernatores & legislatores.

Objicies quartò contra tertiam conclusionem:

In jure Canonicō distingunt Canoness legem privatam à publica, & hanc quidem volunt imponi communitat[i], illam vero private personæ, Cod. licet, de Regularibus, & Cod. Due sunt, 19. quest. 2. Idemque traditur in jure Civili. Nam Institut. de jure naturali, gentium, & civili, §. sed & quod, dividuntur leges Princis, in generali, quæ omnes tenent, & personales, quæ nec ad exemplum trahuntur, quoniam non hoc Princeps vult. Nam quod aliqui ob meritum in delist, vel si quam pœnam irrogavit, vel si cui sine exemplo subvenit, personam non transgreditur: Ergo de ratione legis non est, quod feratur pro tota communitate.

Respondeo Canones citatos, per legem privatam, intelligere votum ex speciali inspiratione Spiritus Sancti factum, vel ipsam inspirationem, quæ lex impropriæ dicitur & analogicæ, eo quod scribatur in corde, & impellat, vel obligat, ut lex. Instituta vero loco citato, per legem personalem intelligunt eam, quæ fertur in favorem aut in pœnam aliquius persona, & successorum; vel cuius executio ad illam pertinet. Sed non negant fieri communitei respectivæ, id est pro illis, ut membris communitatis, & in commune bonum, saltē mediatæ, quatenus, ut jam supra dixi, expedit communii bono merita aliquorum & excellentiam privilegiis donari, ut alij accendantur ad bonum Reipublicæ promovendum per opera ardua & studiosa.

§. III.

Corollaria precedentis doctrine.

EX dictis colligitur, hæc tria, præceptum, sensus tentiam, & privilegium, non habere veram rationem legis. Triplices enim inter simplex præceptum & legem reperiunt differentia. In primis enim licet præceptum possit imponi toti communitat[i], hoc tamen non exigit necessariò, sed potest imponi personæ particulari, lex vero semper communitatē personarum respicit necessariò, ut in tercia conclusione ostensum est. Secundò, præceptum exipiat morte vel amotione imponentis, etiam si absolute & sine limitatione imponatur, lex autem non exipiat morte legislatoris, cum ex natura sua perpetua sit, ut in secunda conclusione declaravimus. Tertiò, præceptum potest imponi à quocunque superiori, lex vero ferri nequit nisi ab eo qui à Deo vel à Republica habet potestatem legislativam.

Similiter sententia differt à lege, licet aliquid de illa participet; Lex enim est ipsa ordinatio superioris, sententia vero potius est applicatio & execu[ti]o legis circa privaram personam & evenitum, quam legis impositione. Unde D. Thomas infra quest. 96. art. 1. ad 1. sicut ait: *Dicuntur etiam*

Ttt

Tom. III.

quodam legalia, non quia sint leges, sed propter applicationem legum communium ad aliqua particularia facta, sicut sunt sententie, qua pro jure habentur. Participet vero aliquid de lege, in quantum habet perpetuitatem, sicut illa, nec expirat morte aut anisitione ferentis sententiam. Cujus ratio est, quia sententia habet vigorem in virtute legis, & sic est perpetua, sicut illa. Verum est tamen, quod ad ferendam sententiam non requirit supra potestas legislativa Principis, sed inferior Iudex, per autoritatem derivatam ab illo, potest eam ferre, ut ex usu constat. Et ratio est, quia sicut in artificialibus disponere formam domus pertinet ad architectum, applicare tamen illam inducendo eam in aliquam singulari materiali, dolando scilicet ligna & appetando lapides, spectat ad inferiores artifices, sicut in mortalibus, ad Principem, qui est architectonicus regiminis, pertinet disponere formas legum ad bonum commune procurandum; applicare vero illas ad singulares casus & personas, ad particulares Iudices artinente potest.

Denum lex a privilegio differt, quia lex semper respicit pluralitatem personarum, & bonum commune Reipublicæ; privilegium autem potest respicere particularem personam, & illius bonum particularē. Unde privilegium ex Isidoro lib. 5. Etymol. cap. 8. dicitur quasi privata lex, seu lex privatorum. Convenit autem cum lege in hoc quod est perpetuum, sicut illa. Quia vero exemptionem a lege, seu exceptionem legis, solum facere potest ille qui legem condere potest, hinc sit quod privilegium in concedente, supremam potestatem legislativam requirat, sicut ipsa lex in concedente.

ARTICULUS III.

Apud quos residet potestas legislativa?

44. **D**ico primum, condere legem civilem, solum pertinet ad multitudinem, vel ad eum qui curam habet multitudinis; sive sit unus, ut in imperio monarchico; sive sint multi, ut in imperio democratico. Ita D. Thomas hic art. 2. ubi rationem assert, quia lex primò & principaliter ordinatur ad bonum commune, ut art. præcedenti ostensum est: Sed ordinari aliquid in bonum commune, pertinet ad communitatem, vel ad eum qui ejus curam habet; quia sicut pars respicit bonum particulare ut finem sibi proportionatum & proprium, ita tota communitas bonum commune: Ergo condere leges civiles, solum pertinet ad multitudinem, vel ad eum qui præst multitudini & habet curam illius.

Dico, Conditor legis debet esse superior ei quem lege suā obligat: Sed Respublica non est superior sibi: Ergo non potest condere leges quae ipsam obligent.

45. **R**espondeo, Rempublicam duplice posse considerari, uno modo quatenus gerit vices Dei, à quo omnis potestas ferendi leges descendit, iuxta illud Proverb. 8. *Per me Reges regnant, & legum conditores iusta decernunt*: alio modo ut est gubernabilis in ordine ad bonum commune. Primo modo considerata, est legislativa, secundo autem modo spectata, est susceptiva legis; quia primo modo est quodammodo superior ad seipsum secundo modo considerata, quod sufficit ut sit legislativa. Potestque id explicari & illustrari exemplo satisfactionis Christi Domini, nam in Chri-

sto idem est suppositum quod satisfacit, & cui exhibetur satisfactio, sed satisfacit, in quantum humanum, & sic ei satisfactio in quantum divinum, siveque est superior ad seipsum primo modo consideratum. De quo fulsi in Tractatu de Incarnatione.

Ex his intelliges, potestatem legislativam immediatè & jure naturæ residere in communitate, in Rege vero, aut quolibet alio habente potestatem condendi leges, mediatè solum & jure humano: cum enim potestas condendi leges civiles, non possit commodè a tota communitate exerceri per seipsum, transferri solet ad unum, qui sit caput morale communitatis, & Princeps supremus reliquorum omnium, si monarchicum regnum instituitur; vel in paucos, & optimis, si aristocratici: vel in plures, & plebeios, si democratici.

Sed adverteendum est, talis jus duplice transferri à Republica in aliū, proximè scilicet & remotè; proximè, quia aliquando Respublica immediatè eligit aliquem ad supremum regnum; remotè vero, ut quando aliquem eligit in Regem, pro se & suis successoribus; tunc enim in successores dicitur transferre remotè suam potestatem, quia non immediatè eligit illos, sed mediante illorum progenitore.

Dices, Apostolus ad Roman. 13. ait: *Non est potestas nisi a Deo, & qui potestat resilit, Dei ordinationi resilit*: Ergo Reges & Principes habent potestatem legislativam immediatè a Deo, non vero à communitate seu Republica.

Confirmatur: Si Reges acciperent suam potestatem à regno, sequeretur regnum esse supra Regem: Sed hoc non est dicendum: Ergo nec illud.

Ad instantiam respondeo, verba illa Apostoli significare solum potestatem Regum & Principum esse a Deo in radice, quatenus Deus, qui est author naturæ, & omnium bonorum naturalium, dedit hominibus potestatem & ius submittendi se alteri, & constitundi sibi superiores.

Ad confirmationem nego sequelam, Reges enim supposita electione purè & simpliciter monarchici, sunt superiores regno, licet ab ipso regiam potestatem accipiunt, quia scilicet regnum ei se liberè subjicit. Quemadmodum, quando quis alteri se liberè subjicit, aut vendit in servum, fit illi inferior, quamvis potestas quam hero tradit, oriatur ab ipsis voluntate.

Dico secundò, in Ecclesia Catholica esse potestatem condendi leges, quibus omnes fideles obligantur.

Hæc conclusio est certa de fide, & definita in Concilio Constantiensi, ubi proscriptur error Wicelphi talem potestatem Ecclesiæ denegantis; constatque ex traditione Ecclesiæ, quæ à temporibus Apostolorum usque nunc, in omnibus Conciliis alias leges & canones statuit, ad componendos mores fideliuum.

Ratio etiam suffragatur: Nam, ut supra dicebamus, in omni Republica bene instituta, est potestas imperandi quæ utilia sunt ad ejus conservationem, & prohibendi quæ sunt nociva: Sed Ecclesia est Respublica Christiana rectè instituta à Christo: Ergo illi non deest facultas condendi leges necessarias vel utiles ad componendos fideliū mores. Quamvis enim dederit Christus suis fidelibus legem Evangelicam, haec rāmen lex multa continet in universalis, que debent determinari per legem Ecclesiasticam, vel quantum ad modum, vel quantum ad tempus, ut constat in præceptis de receptione sacramentorum.

Dico tertio, potestatem condendi Canones & leges Ecclesiasticas, apud Summos Pontifices, & Concilia legitimè congregata residere.

- §2.** Prima pars pater ex illo Matth. 16. *Quodcunque ligaveris super terram &c.* Ubi Christus Dominus immediatè per seipsum contulit D. Petro & ejus successoribus potestatem regendi Ecclesiam: Sed præcipuum vinculum regiminis est lex: Ergo immediate contulit illi potestatem condendi leges. Similiter Joan. 21. Christus verbis illis *Pasce oves meas*, D. Petro & successoribus ejus contulit potestatem pastoralem, quæ est potestas regendi Ecclesiam, & condendi leges ad ejus regimen necessarias. Unde hoc versatur discrimen inter Summos Pontifices & Principes secularares, quod iti, ut suprà dicebamus, à Republica potestatem legislativam recipiunt, illi verò eam non habent ab Ecclesia, sed à Christo immediatè. Unde in cap. *Novit*, de iudicis, sic loquitur Pontifex de pontificia autoritate: *Cum non humana confituntio, sed divina innitatur; quia potestas nostra non ex homine, sed ex Deo est.*
- §3.** Quod verò etiam apud Concilia legitimè congregata resideat authoritas condendi leges Ecclesiasticas, manifestum est, quia illa Concilia repræsentant totam Ecclesiam, in qua, ut prædicti conclusione ostendimus, est potestas condendi leges quibus fideles obligentur. Unde in Concilio Apostolorum, quod primum omnium fuit, hæc lex lata est, Act. 15. *Ut abstineatis vos ab inmolatis simulacrorum, & sanguine, & suffocato, & fornicatione.*

- §4.** Episcopi etiam possunt in suis Diœcesibus quas expedire judicaverint leges condere, quæ constitutions synodales, vel statuta Episcoporum appellantur, hocque etiam extra Synodus, ut colligitur ex cap. *Si quis de majorit. & obed. Capitula verò Ecclesiastarum*, licet aliqua decreta, quæ & actus capitulares vocantur, efficiunt, statute tamen aut leges condere nequeant, sine consensu aut commissione Episcopi aut Papæ. De quo vide *Sylvestrum verbo Lex, quæst. 4.* Similiter Prælati Religionum habent quidem jus præcipiendi, sed non leges condendi, quod tantum penes Congregations generales, seu Capitula generalia refi-deret.

ARTICVLVS IV.

Vtrum promulgatio sit necessaria, & effientialis legi?

§. I.

Duplici conclusione utraque difficultas resolvitur.

- §5.** **D**ico primò, ut lex obligeat in actu secundo, aliqualis ejus promulgatio necessariò requiriatur. Ita communiter Theologi cum D. Thoma h[ic] art. 4. ubi sic discutit: Lex se habet per modum regulæ & mensuræ actuum humanorum, quam homines sequi debent, eique suas actiones conformare: Sed id præstare nequeunt, nisi ei lex innotescat, neque lex eis potest innotescere, nisi per promulgationem. Ergo ut lex obligeat, aliqualis ejus promulgatio necessariò requiriatur.

- §6.** Confirmatur: Lex suâp[re] naturâ est quid dirigen[s] & illuminans, ut constat ex dictis art. 1. At quod domi latet, & est in pectore Legislatoris

Tom. III.

A reconditum, non potest ditigere & illuminate: Ergo lex nondum cognita non potest officium legis exercere, & obligare subditos in actu secundo. Unde, *leges Codice de legibus*, sic dicitur: *Leges sacratissima, qua confringunt hominum vias, intelligi ab omnibus debent.*

Confirmatur amplius, quia cùm voluntas non possit ferri in incognitum, sequeretur homines obligari ad impossibile, si tenerentur legem servare ante sufficientem illius promulgationem.

Advertendum tamen est, me ex industria in conclusione dixisse, ut lex obliget in actu secundo, aliqualem ejus promulgationem necessariò requiri; quia promulgatio non requiritur æqualiter

B in omnibus legibus, sed diversimodè, juxta natum cujuslibet; nam ut omittamus legem aeternam & naturalem, de quibus suo loco dicemus, lex divina positiva non eget tam solemnis promulgatione, sicut lex humana; aliquando enim lex divina promulgatur solè internâ revelatione, ut multis Prophetarum contigit; aliquando per solam externam propositionem, factam à Deo, sine aliqua solemnitate, quâ ratione Christus Dominus promulgavit suam legem Apostolis;

C aliquando verò per aliqua signa externa, cum solemnitate quadam; & hoc modo lex Mosaica promulgata fuit in monte Sina, & lex Evangelica in die Pentecostes. Lex tamen humana, semper debet promulgari per signa externa, cum aliqua solemnitate, & sic obtinet usus tam in Republica seculari quam Ecclesiastica. Ratio verò hujus differentiar[um] est, quia cùm Deus legis divinæ institutor, sit supremus Dominus simpliciter & omnibus modis, potest modo quo voluerit intimare legem & obligare ad ejus observantiam: homo verò qui non habet tam supremum dominium, id non potest, sed cùm agat veluti duplē personam, publicam scilicet & privatam, Princeps sic debet proponere legē, ut ex modo proponendi significet se proponere illam ut Principem conditum legem, & non ut particularem personam: hoc autem non sit nisi adhibitâ aliquâ solemnitate publicâ, id significante: Ergo lex humana semper promulgari debet per signa externa cum aliqua solemnitate. Utrum verò sufficiat ad hujusmodi solemnem promulgationem quod denuntietur in curia Principis, an verò requiratur quod denuntietur in singulis provinciis regni, diœcessibus, aut civitatibus, dicemus infra disp. 4. cùm de lege humana agemus.

Dico secundò, promulgatio non est de essentia legis, aut ratio formalis illius, sed duntaxat conditio necessariò requisita, ut actualiter obliget fibi subditos. Est contra Medianam, Montezino, Vazquem, & alios, existimantes promulgationem esse de essentia legis, & rationem ejus formalem ingredi. Pro qua sententia Andreas Duvallius citat S. Thomam h[ic] art. 4. sed immerito, cùm S. Doctor ibidem oppositum doceat, ut constabit ex mox dicendis.

E Probatur ergo primò conclusio ex D. Thoma h[ic] art. 4. ubi assertum est promulgationem esse applicationem legis ad illos qui per illam obligantur: Sed applicatio alicuius rei supponit rem jam constitutam in sua ratione formalis: Ergo promulgatio supponit legem jam constitutam in sua ratione formalis, & sic non est ratio formalis illius, sed duntaxat conditio necessariò requisita ut actualiter obliget.

F Confirmatur: Ita se habet, ut ait S. Doctor, promulgatio legis ad legem, sicut applicatio men-

Tt ij

- A** suræ ad mensuratum: Sed applicatio mensuræ ad mensuratum, supponit mensuram in sua ratione formalí constitutam, ut pater inductione in omnibus mensuris: Ergo etiam promulgatio legis, eam supponit in sua ratione formalí constitutam, subindeque ejus essentiam vel rationem formalē non ingreditur.
- B** 60. Probatur secundò conclusio ratione: Lex est actus prudentiae existentis in Principe, ut constat ex dictis art. 1. Sed tota ratio formalis hujus actus salvatur ante actualem promulgationem factam subditis: Ergo & tota essentia legis. Probatur minor: Actus prudentiae est actus intellectus practici dictantis aliquid esse faciendum: Sed ante actualem promulgationem salvatur hujusmodi dictamen: Ergo &c.
- C** 61. Probatur tertio: Lex in pectore Legislatoris recondita, nondum promulgata, apta est ad inducendam obligationem: Sed talis aptitudo sufficit ad essentiam legis, nam res per aptitudinem & actum primum, ut docent Philosophi, definitur, & non per actum secundum, qui modò est, modò vero non est: Ergo tota essentia & definitio legis salvatur, ante ipsum promulgationem.
- D** 62. Ut ista conclusio magis illustretur, & Adversariorum argumenta facilius dilui possint: Notandum primum, conditionem requisitam ad aliquam rationem formalem esse in duplice differentia. Alia enim est pure accidentalis, & meret extrinseca, qua proinde à Deo suppleri potest, sicut approximatio agentis ad passum. Alia est intrinseca & essentialis, quæ à Deo suppleri non potest, & modus intrinsecus vocari solet, qualis est apprehensio seu cognitio in objecto voluntatis, bonum enim est ratio formalis talis objecti, apprehensio vero est conditio, adeò tamen necessaria, ut bonum non possit, etiam de potentia absoluta, terminare actum voluntatis, nisi sit apprehensum, juxta illud Augustini: *Invisa amare possumus, incognita nequam*. Cùm ergo dicimus in conclusione, promulgationem esse conditionem necessariο requisitam, ut lex obliget in actu secundo, loquimur de conditione hujus secundi generis, seu intrinseca & essentiali, non vero de pure extrinseca & accidentalī.
- E** 63. Notandum secundò, quod sicut in calore ignis duo possumus considerare, nempe quod sit calefactivus, & quod actu calefaciat: primum autem convenit illi essentialiter, secundum vero accidentaliter; primum antecedenter ad actualem applicationem, secundum non nisi post illam: sic in lege considerare possumus, & quod sit obligativa in actu primo, ut ita dicam, & quod actualiter obliget. Primum est illi essentiale, eique convenit ante actualem promulgationem, secundum accidit ei, cùm sit actus secundus respectu primi, & non convenit ei, nisi post promulgationem. Dicimus ergo in conclusione, quod sicut applicatio non est ratio formalis, neque conditio ut calor ignis sit calefactivus, bene tamen est conditio ut actu calefaciat: ita promulgatio non est ratio formalis, imò nec conditio ut lex sit obligativa in actu primo, subindeque non ingreditur illius essentiam, sed totam illam supponit, sicut applicatio caloris, supponit totam essentiam caloris, est tamen conditio ut actualiter obliget sibi subditos; cum hac differentia, quod applicatio caloris possit suppleri à Deo, quia est tantum conditio accidentia-
- A** lis; promulgatio vero non potest suppleri ab illo, quia est conditio essentialiter requirita, cùm requiratur per modum propositionis objecti voluntatis, quæ cùm sit appetitus rationalis, id est sequens dictum rationis & cognitionem intellectus, non potest ferri in incognitum.
- B** §. II.
- C** Solvuntur objectiones.
- D** Objicies primò contra primam conclusiōnem: Ad revocationem legis non requiritur promulgatio: Ergo nec ad ejus constitutiōnem.
- E** Respondent aliqui, negando consequentiam & paritatem, quia (inquit) plura requiruntur ad construendum, quam ad destruendum. Sed haec solutio displicet, nam licet ut plurimum plus requiratur ad adificationem, quam ad destructionem, hoc tamen non semper est verum, sed contingit aliquando, totum quod requiritur ad constitutionem, requiri ad destructionem; maximè quando modus destructionis est ejusdem rationis ac modus constitutionis, ut contingit quando una lex revocatur per aliam. Imò contingere potest, id quod sufficit ad constitutionem, non sufficere ad destructionem, ut patet in matrimonio, in quo consensus utriusque conjugis sufficit ad constitutionem matrimonii, non vero ad ejus dissolutionem. Unde melius respondetur, negando Antecedens, dum enim lex non revocatur per solemnam promulgationem, censetur moraliter perseverare cum sua prima & legitima promulgatione, & consequenter obligare in actu secundo; sicut dum valor moneta non revocatur revocatione foemini, intimata subditis, moraliter loquendo censetur manere, ut constat ex usu.
- F** Objicies secundò contra secundam conclusiōnem: Gratianus cap. *In iis* dist. 4. sic ait: *Leges instituuntur, cùm promulgantur*: Ergo ante promulgationem non sunt, subindeque promulgatio pertinet ad rationem formalem earum.
- G** Confirmatur ex D. Thoma h̄c art. 4. dicente quod ut lex virtutem habeat obligandi, necesse est ut promulgetur: Ergo ante promulgationem non habet rationem formalem legis. Consequentia pater, quia ad rationem formalem legis pertinet vis ad obligandum, unde lex a ligando dicitur, ut idem S. Doctor art. 1. afferit.
- H** Confirmatur amplius, quia in definitione legis quam tradit S. Thomas h̄c art. 4. ad calcem corporis articuli ingreditur promulgatio, ut constabit ex infra dicendis: Ergo illa pertinet ad rationem formalem legis, nam definitio debet explicare rationem formalem rei, sicut explicat illius essentiam.
- I** Ad objectionem respondeo auctoritate illâ Gratiani solum probati, quod per promulgationem solum instituuntur leges completes, tanquam per conditionem, quantum ad vim obligandi in actu secundo, non vero tanquam per rationem formalem & quidditativam.
- J** Ad primam confirmationem similiter dicendum, quod quando D. Thomas ait quod ut lex virtutem habeat obligandi, necesse est ut promulgetur, solum intendit, legem ante promulgationem non habere vim obligandi in actu secundo, quia promulgatio, licet non sit de essentia legis, aut ratio formalis illius, est tamen conditio essentialiter requisita, ut lex actualiter obli-

get sibi subditos, ut in secunda conclusione diximus. Unde quando dicitur, quod ut lex habeat vim obligandi in actu secundo, requiritur ut promulgetur, *ly ut reduplicat tantum conditionem intrinsecam, non vero rationem formalem; sicut quando dicitur quod ut bonus habeat vim movendi voluntatem in actu secundo, requiritur ut cognoscatur, illique per intellectum proponatur, particula ut exprimit solum conditionem intrinsecam, non vero rationem formalem objecti motivi voluntatis.* Ex quo patet ad secundam confirmationem, in definitione enim alicujus non solum potest ingredi id quod se habet ut ratio formalis, sed etiam id quod se habet per modum conditionis intrinsecas, sic enim in definitione fidei ingreditur obscuritas, & in definitione objecti voluntatis, apprehensio intellectus. Sic ergo D. Thomas definiens legem, non solum quantum ad rationem formalem illius, sed etiam ut est in esse completo obligandi in actu secundo, posuit in ejus definitione promulgationem, quae est modulus intrinsecus illius ut obligantis in actu secundo.

67. Objicies tertio: Si promulgatio non esset de essentia legis & ratione formali illius, sed duntaxat conditio, sequeretur quod ante promulgationem lex humana obligaret subditos, quomodo cum eis innoesceret: Sed hoc dici nequit, ut omnes fatentur: Ergo nec illud. Sequela Majoris probatur. Si promulgatio non sit de essentia legis, lex humana ante promulgationem habebit totam suam essentiam & rationem formalem: Ergo quomodocumque illa innotescat, obligabit subditos, cum vis obligandi sit inseparabilis a ratione formalis legis.

Nec valet si dicas, quod licet lex humana ante promulgationem habeat omnem suam rationem formalem, deest tamen ei applicatio, quae sit per promulgationem, & sic non habet vim obligandi. Nam semel constituta lego per suam rationem formalem, sufficienter applicatur per notitiam ejus, quomodocumque habeatur, cum applicatio ad nihil aliud requiratur, nisi ut lex veniat in notitiam subditorum.

68. Respondeo, negando sequelam Majoris, & ad ejus probationem, aprobo responsonem datum, & ad illius impugnationem dico, quod ut lex humana obliget in actu secundo, debet innoescere & applicari subditis, non per quamcumque notitiam, sed per notitiam legi humana proportionata: haec autem solum habetur, cum Princeps illam proponit, non ut persona privata, sed ut persona publica, subindeque cum eam facit intimate cum aliqua solemnitate; unde si alio modo innotescat, illa notitia non sufficit ad obligandum.

§. III.

Corollarium praecedentis doctrinae.

59. EX dictis colligitur legem sic recte definiri à D. Thome huc art. 4. in calce corporis articuli: *Lex est quadam rationis ordinatio ad bonum commune, ab eo qui curam communitatis habet promulgata.* Quam definitionem elicit S. Doctor ex quatuor articulis hujus questionis, in quibus totam legis essentiam declarat. Nam in primo ostendit, quod sit ordinatio rationis. In secundo, quod debeat respicere bonum commune. In tertio, quod debeat ferri ab eo qui curam habet communitatis. In quarto denique, quod debeat

Tom. III.

A esse ab eo promulgata. Nihil vero aliud ad essentiam legis requiritur.

Occasione solutionis ad tertium, art. 4. hujus questionis, ubi S. Doctor ait, quod *promulgatio praesens ad futurum extenditur per firmitatem scriptura, qua quodammodo semper legem promulgat;* querunt hinc aliqui, an sit de ratione legis, quod sit scriptis mandata?

Sed breviter respondeo negativè: Id enim constat primò ex Aristotele 10. Ethic. cap. ultimo, ubi sic ait: *Scripta ne sint, an non scripta leges, interesse nihil videtur.* Secundo ex jure civili. Institut de jure naturali, gentium, & civili, §. *Sed & quod constitutum est,* ubi sic dicitur: *Quodcumque constitutum Imperator per epistolam vel cognoscens decrevit, legem esse constat.* Ubi dividit decretum à scriptura, & utrumque legem esse affirmat. Terterò ex jure Canonico: nam in cap. *Constituenda dist. i.* dicitur *non refere quod lex scripturā a ratione consistat, quoniam ratio legem commendat.* Id demum variis exemplis suaderi potest: Nam in statu innocentia preceptum de non edendo cibo vetito, quod Deus primis parentibus imposuit, scriptum non erat, ut ex capite 2. Genesis constat; & tamen illud veram rationem legis habebat, cum non tantum primos parentes, sed eorum etiam posteros, si in statu innocentiae permanissent, obligaret. Lex etiam Decalogi, quae præcepta naturalia (unico dempto; quod est de sabbato obseruando) continet, & quae properea in lege naturae obligabat, non fuit scriptis mandata, nisi post duorum annorum millia, nempe cum Moyses legem illam, quam in duabus tabulis lapideis, digito suo Deus conscripserat, scriptis consignavit. Similiter lex Evangelica veram haberet rationem legis, tametsi non esset scriptis mandata, per hoc solum quod verbo tenus esset a Christo instituta & promulgata, & in cordibus hominum, id est in eorum memoria, scripta maneret, juxta illud Jeremias 31. *Dabo legem meam in vobis scribus eorum, & in cordibus eorum scribam eam.* Quod ponderans Apostolus ad Hebreos 8. & 10. afferit hanc esse prerogativam novi testamenti, ut non atramento sed spiritu in cordibus hominum scribatur. Unde ut docet D. Thomas 3. part. quæst. 42. art. 4. Christus Dominus doctrinam & legem suam non scripto sed verbo tradidit, eaque multo tempore obligavit, spatio scilicet octo annorum, antequam litteris mandaretur, ut docent Theophilactus in præfatione in Matthæum, Irenæus lib. 3. contra hæreses cap. 1. & Chrysostomus homil. 1. in Matthæum. Denique consuetudo vim legis habet, ex communi Jurisconsultorum axiomate, & tamen non solet nec debet scribi, saltem à Legislatore, alias rationem consuetudinis non haberet: Ergo non est de essentia legis, quod sit scriptis mandata.

E Verum tamen est, quod ad melius esse, & ut suavis ordo constituendilegum obseretur, operetur illam scripto tradi, quia cum ex natura sua sit stabilis, immobilis, & perpetua, connaturaliter petit illum modum ad sui consistentiam, quo melius immobilitas & perpetuitas illius conservetur, & tenacius ac firmius memorie hominum infigatur: hic autem modus est scriptura, ut de se patet, & docet S. Thomas verbis supra relatis, quibus ait quod *promulgatio praesens ad futurum extenditur per firmitatem scriptura, qua quodammodo semper legem promulgat:* Ergo &c.

ARTICVLVS V.

Quoniam sit legis divisio?

70. Ex generaliter dividitur in divinam & humana: Lex divina est illa, quæ à Dei auctoritate immediatè vim habet, licet ejus promulgatio non fiat à Deo immediate, sed interventu Angelii vel hominis. Cujusmodi fuit lex vetus à Deo tradita Moysi per Angelos, & per eum promulgata, & lex Evangelica, à Christo lata, & partim per ipsum, partim per Apostolos publicata. Lex humana est illa quæ fertur immediate humana auctoritate, licet à Deo acceptâ. Primus vero inter homines legislator fuit Moyses apud Hebreos, Phoroneus apud Græcos, Trimegistus apud Ægyptios, Solon apud Athenienses, Lycurgus apud Lacedæmones, & Numa Pompilius apud Romanos.

71. Lex divina subdividitur in æternam, naturalem, & positivam, quia lex Dei spectari potest vel ut ab æterno concepta, vel ut impressa cuju slibet homini intellectui, vel ut publica promulgatione manifestata. Lex vero divina positiva, in veterem & novam subdividitur. Prima est illa quam Deus dedit Moysi, per ministerium Angelorum, in monte Sinai, & per Moysen populo Israëlitico. Secunda ea est quam tulit Christus, novi testamenti author, & partim per seipsum, partim per Apostolos promulgavit. Sicut autem vetus triplicis genetis præcepta continebat, nempe moralia, cæteromialia, & judicialia; sic nova etiam triplicia præcepta complectitur, nempe fidei, sacramentorum, & morum, ut fūs expōnemus infra cum de legenova differemus.

72. Lex humana in Ecclesiasticam & civilem subdividitur. Illa fertur potestate Ecclesiasticâ, ut Papa, & Conciliorum; ista potestate seculari, ut Regum & Imperatorum. Prima jus Canonicum, altera jus Civile appellatur.

73. Corpus juris Canonici dividitur in decretum & decretales. Decreti collectori & ordinatori est Gratianus, Monachus, Ordinis S. Benedicti, qui post veteres canonum & decretorum collectores, ingen illud opus contexit & compositus, partim ex Summorum Pontificum decretis, partim ex canonibus Conciliorum, partim ex dictis & sententiis Sanctorum Ecclesie Patrum. Hoc autem opus correctum & editum fuit auctoritate Gregorii XIII. Summi Pontificis.

Decretum vero in tres partes dividitur. Prima pars continet distinctiones centum & unam, in quibus de iure divino & humano, deque his quæ ad mores componendos, quæque ad disciplinam Ecclesiasticam spectant, tractatur. Secunda continet causas triginta sex, & qualibet causa in variis questiones distribuitur. Causæ autem triginta sextæ inseruntur Tractatus de penitentia, qui distinctionibus quinque perficitur. Tertia denique pars decreti quæ agit de consecratione, quinque distinctiones complectitur.

Quod attinet ad decretales, quo nomine propriæ significantur rescripta seu Epistolæ Summorum Pontificum, ad potentium preces aut relationes emissæ, ea fuerunt collectæ auctoritate Gregorij IX. Summi Pontificis, per S. Raymundum, Ordinis Prædicatorum, ipsius Capellatum, & Penitentiarium, & divisiæ in quinque libros. Quoties autem decretales simpliciter al-

A legantur, Gregorianæ per excellentiam intelliguntur.

His quinque libris decretalium Gregorij, additus est alijs liber decretalium à Bonifacio VIII. Summo Pontifice, quem librum ideò sextum nuncupari voluit. Hoc Bonifacij volumen quinque libros comprehendit.

Sunt & alijs constitutiones seu decretales, quæ auctorem habent Clementem V. Fuerunt autem editæ & publicatae ab ejus successore Joanne XXII, solent appellari Clementinæ, & divisiones sunt in quinque libros.

Clementinæ adjunctæ sunt ab eodem Joanne Papa constitutiones viginti, quæ Extravagantes appellantur, quasi vagæ & excurrentes extra predictos decretalium libros.

Denique sunt alijs constitutiones à diversis Romanis Pontificibus editæ, quæ Extravagantes communes inscriptæ sunt, & quinque libros continent.

Affigunt autem Gratianus à dist. 14. usque ad 25. sex principia seu fontes, ex quibus totum ius canonicum eritur, seu derivatur, nimirum Scripturam Sacram. Traditiones, quæ ab Apostolis tanquam ab Evangelij præconibus promulgatae sunt; Canones Apostolorum, qui tantæ auctoritatis non sunt, quanta sunt Traditiones; Decreta Summorum Pontificum, & Conciliorum generalium; Concilia particularia, Summi Pontificis calculo confirmata; & Epistolas decretales Summorum Pontificum.

74. Librorum vero juris civilis, ab Imperatore Justiniano collecti, ordo & divisio est hujusmodi.

Justinianus cum animadverteret ius Romanum, quod civile per excellentiam appellatur, in immensam & confusam molem excrevisse, statuit illud certis & brevioribus finibus concludere. Erant autem ante ipsius tempora tres Codices, quibus continebantur leges & constitutiones anteriorum Imperatorum, Gregorianus, Hermogenianus, & Theodosianus, ex quibus unum confecit, quem de suo nomine nuncupavit. Peracto Codice Justinianus animum ad veterum Jurisconsultorum volumina, quorum infinitam prope multitudinem, & in duo millia librorum dispersam, coarctavit ac digessit in quinquaginta libros, qui ideo libri Digestorum appellantur, vel Pandectarum, duco nomine à græcis vocibus τὰς δικούς, hoc est totum capio, quia universitas veteris jurisprudentiae scientiam continent. Deinde ut haberent legum cupidi adolescentes facilem & simplicem viam, quæ progredi possent ad amplissimam juris scientiam, Justinianus componi curavit quatuor Institutionum libros, ut effent totius juris elementa atque principia. Sed quoniā priori illi Codici pleraque defesse videbantur, Justinianus alijs auctiorem & emendatiorem edidit, quem vocavit Codicem repetitæ prælectionis; & hic est Codex, quem habemus, & quo utimur. Denique idem Imperator varias constitutiones, quas deinceps imperij sui tempore promulgavit, in unum librum redigit, & has constitutiones modò Novellas, modò Authenticas appellamus. Ergo totum ius civile conflat, & compositum est, ex Codice, qui duodecim libris absolvitur, & quinquaginta libris Digestorum, seu Pandectarum, ex quatuor libris Institutionum, & uno libro Novellarum.

E

ARTICULUS VI.

Officia, effectus, & actus legis, breviter exponuntur.

75. Dico primò, duo esse præcipua legis officia, nempe dirigere, & obligare.

Prima pars patet, nam de ratione mensura & regulæ est quod sit directiva mensurati & regulati: Sed lex est mensura & regula actuum humana, ut constat ex dictis art. 1. Ergo est directiva hominum, eisque ostendit quid agere vel omittere debeant. Quam ob causam vocatur lux Proverb. 6. *Mandatum lucerna est, & lex lux.* Et Psalm. 118. *Lucerne pedibus meis verbum tuum, & lumen semitis meis.*

Secunda etiam manifesta est, lex enim à ligando dicitur, quia per eam (ut ait S. Thomas) obligantur subditæ ad ejus observantiam. Vel ut loquitur Cassiodorus, è quod animos nostros liget, suisque teneat obnoxios consitutis. Hæc autem obligatio, vel oritur ex ipsa rerum natura, si lex naturalis est, vel ex potestate & voluntate superioris, si positiva est.

76. Dico secundo, præcipuis legis effectus est facere bonos subditos. Ita S. Thomas hic quæst. 92. art. 1. ubi hanc rationem affert: Lex tendit ut faciat subditos obedientes sibi: Ergo ut eos faciat bonos, cùm subditorum propria virtus, per quam sunt boni, constat in eo quod bene obedient legi, sicut propria virtus Principis est, ut bene subditis imperet.

Potro lex facit subditos bonos, vel simpliciter, vel secundum eam rationem, quia ei subjecti sunt, ut patet ex intentione cuiusque legis. Lex enim divina, præsentim Evangelica, intendit ut homo fiat simpliciter bonus, non modo in exteriori operæ, sed etiam in interiori animo, atque adeo ut fiat filius Dei adoptivus per gratiam. Lex naturalis, ut fiat bonus virtutibus moralibus, quia naturæ commensuratae sunt. Lex civilis, ut fiat bonus civis, qui exterius faciat ea, quæ ad pacem Reipublicæ sunt necessaria. Lex Ecclesiastica, ut fiat bonus Clericus, qui satis faciat suo muneri.

Dico tertio, quatuor sunt actus legis, nimirum præcipere & prohibere, permittere, & punire. Ita S. Doctor quæst. citata art. 2.

77. Probatur primò, quantum ad tres primos, ratione quam ibidem insinuat: Dantur legis effectus correspondentes humanorum actuum differentiæ: Ergo sicut sunt tres humanorum actuum differentiæ genericae, scilicet bonitas, maliitia, & indifferentia; cùm actus humani sint vel ex genere boni, vel ex genere mali, vel ex genere seu ex objecto indifferentes: sic legis in genere tres effectus sunt, scilicet præcipere, prohibere, & permittere; nam præcipiuntur actus boni, prohibentur actus mali, & permituntur indifferentes.

78. Probatur etiam quantum ad quartum, quia lex efficaciter actus bonos præcipere & malos prohibere non posset, nisi subditos ex timore pena possit ad bonum inducere, & retrahere à malo: Ergo punitio est etiam actus legis.

79. Dices, sicut homines incitantur ad bonum, & retrahuntur à malo, per penas, ita etiam & per præmia: Ergo sicut punire est actus legis, ita etiam & præmiare, & sic erunt quinque actus legis, & non solum quatuor.

Sed nego consequiam & paritatem, ob tri-

A plicem rationem discriminis. Prima est D. Thomæ hic quæst. 92. art. 2. ad 3. quia præmiare ad quemlibet pertinere potest, & sic cùm non sit actus superioris, non potest esse actus legis. Punire vero non potest pertinere nisi ad ministrum legis, cuius autoritate pena infertur, unde est actus superioris & legis. Secunda est, quia punire inducit ad operandum, per modum cuiusdam coactionis, præmium vero non ita, sed permodum cuiusdam exhortationis & quasi consilij, ac proinde illud est actus legis, non vero istud. Tertia est, quia virtus secundum seipsum habet sufficientem honestatem, ut propter seipsum appetatur, unde sibi ipsi est sufficiens præmium, subindeque ad inducendum ad virtutem, quod sit per legem, non requiritur propositio alterius præmij; requiritur autem communatio punitionis, ut homines, quorum sensus proni sunt ad malum ab adolescentia sua, propter corruptionem naturæ, timore penarum non sequantur passiones, sed legi obediunt, & sic bonum commune promoveatur.

B Ad majorem horum actuum intelligentiam, obseruandum est primo cum Conrado hic quæst. 92. art. 2. quod illi non dicuntur actus legis, quia si sint eliciti ab ipsa, quoniam lex non est habitus, nec potentia, & ita non habet actus elicitos, sed illa quatuor dicuntur esse actus legis, quasi integraliter, quia quodammodo integratur lex ex 80. istis quatuor; non quia in qualibet lege in particulari reperiantur omnia ista, sed quia ad legem in communi pertineant; ita quod lex civilis v. g. integratur ex hoc quod præcipit quædam, prohibet alia, aliqua etiam permittit, & aduersis transgressores penas decernit.

C Advertendum est etiam, permissionem, quæ 81. est tertius actus legis, non consistere in mera negatione precepti & prohibitionis, ut existimat Lorca hic disp. 3. membro 2. circa finem, sed esse actum positivum, quo legislator in ordine ad bonum commune, & ut majora mala vitentur, statuit non prohibere aliquos actus indifferentes, aut parvum malos, & permittere ut impunè fiant. Tali est lex *Gracchus* in C. ad legem Julianam de adulteriis & stupro, que sanxit non esse puniendum eum, qui alterum cum uxore in adulterio deprehensum occideret. Et lex *Necinae*, ff. ad legem Julianam, de adulteriis coercendis, que statuit non esse puniendum parentem, qui occiderit filiam in adulterio deprehensam. Similiter leges civiles, ad vitanda majora mala, permitunt meretrices & usurarios in civitatibus, statuuntque ut, ob bonum commune Reipublicæ, usus & simplices fornicationes à Judicibus non puniantur. Licit enim illi actus in ordine ad finem legis naturalis, qui est bonum rationis, pessimi sint, subindeque per legem naturalem non permittantur, sed prohibeantur; tamen in ordine ad finem legis civilis, qui est bonum temporale Reipublicæ, indifferentes sunt, aut parvum mali; malum enim Reipublicæ, quod configurit in illis ex una parte, refarcitur per bonum, quod evenit illi ex alia; occisio namque adulteri mala est Reipublicæ, in quantum ab ea tollitur una pars ejus, sed hoc compensatur aliunde, ex eo nimis quod timore occisionis plura evitantur adulteria.

